

SAMOA

Faatulagaina o Aiaiga

- | | |
|-------------------------------|-----------------------------|
| 1. Igoa puupuu ma le amataga | 4. Laiseneina o Vaa Fagota |
| 2. Faamatalaina o uiga o upu | mai Fafu |
| 3. Faamauina ma le laisene- | 5. Tofiaina o sooupu |
| ina o Vaa Fagota Faa- | 6. Isi Laisene ma Faatagaga |
| pisinisi i totonu o le atunuu | 7. Tagata Vaavaai |

1999, Nu. 11**O SE TULAFONO e teuteu ai le Tulafono o Faiga-Faiva
1988.** *[30 Iuni 1999]*

UA FAIA e le Fono Aoao Faitulafono o Samoa i totonu o le Palemene ua potopoto e faapea:-

1. Igoa puupuu ma le amataga-(1) E mafai ona taua lenei Tulafono o le Tulafono o Teuteuga o le Tulafono o Faiga-Faiva 1999 ma e tatau ona faitauina faatasi ma avea ai o se vaega o le Tulafono o Faiga-Faiva 1988 (o le “Tulafono autu”).

(2) O lenei Tulafono o le a faamamaluina i le aso o le a tuuina atu i ai le maliega a le Ao o le Malo.

2. Faamatalaina o uiga o upu – Fuaiupu 2 o le Tulafono autu ua teuteuina e faapea -

(a) I le faaopoopoina i ai o faamatalaga e faapea:

““Faaolaivai” o lona uiga so o se gaioioiga e aafia ai po o ua fuafua e aafia ai le galueaina po o le faafaileleina o ia po o laau o le gataifale”; ma

(b) I le faaopoopoina i ai o isi faamatalaga faaopoopo e faapea:

“taulaga faatulagaina” o lona uiga o le taulaga o Apia ma so o se isi taulaga ua faamaonia e le Minisita:

(c) I le faaopoopoina i ai o isi faamatalaga faaopoopo e faapea:

““Vaa fagota mai fafo o lo o faamautu i totonu o le atunuu” o lona uiga o so o se vaa fagota mai fafo ua faamautu i totonu o Samoa ma le faatulaueleeleina o so o se ia o ana fagotaga i totonu o Samoa”:

(d) I le teuteuina o le faamatalaga o “vaa fagota i totonu o le atunuu” i le soloia o fuainumera “51%” i so o se nofoaga e aliali mai ai, ma suia i le “60%”;

(e) I le teuteuina o le faamatalaga o le “Tagata Vaavaai” i le faaopoopoina o upu “e le Faatonu Sili” pe a tuanai upu “so o se tagata faatagaina.”

3. Faamauina ma le laiseneina o Vaa Fagota Faapisinisi i totonu o le atunuu-(1) Fuaiupu 5 o le Tulafono autu ua soloia ma suia e faapea:

“5. Faamauina o vaa fagota faapisinisi i totonu o le atunuu-(1) E tatau i le Faatonu Sili ona tausia se tusi resitala mo vaa fagota i totonu o le atunuu o lo o auai, i so o se taimi, i faiga-faiva faapisinisi.

(2) I le noatia ma le fai fuafua i le faafuaiupu (3), e leai se vaa fagota i totonu o le atunuu e tatau ona fagota i ogasami o faiga-faiva seia vagana o lea vaa fagota ua maea ona faamauina i lalo o lenei fuaiupu.

(3) Faafuaiupu (2) e le tatau ona faaaogaina i so o se vaa fagota i totonu o le atunuu ua faaaogaina faapitoa mo taaloga tau faiga-faiva, faafiafiaga, aga faapasitaimi, po o faiga-faiva mo tausiga o le soifua i aso uma.

(4) O se talosaga mo le faamauina e tatau ona faia i le Faatonu Sili i totonu o le pepa ua faamaonia mai lea taimi i lea taimi e le Faatonu Sili, ma e tatau ona tuuina mai faatasi ma le totogifuapauina ua faatonuina.

(5) I luga o le mauaina o se talosaga e mafai e le Faatonu Sili ona faatonuina le vaa ina ia asiasia.

(6) E mafai e le Faatonu Sili ona tuuina atu se tusi faamaonia o le faamauina pe a fai ua faamalieina o ia e faapea –

(a) O le vaa ua talafeagai mo faiga-faiva i ona itu uma ma ua faatotogaina i totoga talafeagai mo le saogalemu o le ola; ma

(b) So o se tusi faamaonia o le saogalemu e manaomia i lalo o le Tulafono o Vaa 1998 ma ona Tulafono Faatonutonu o lo o aloaia i le taimi nei e tusa ai ma lea vaa; ma

(c) O le vaa ma lona faagaoioiga e pei ona fuafuaina ua atoatoa le tausisia e tusa ai ma manaoga o le Tulafono o Vaa 1998 ma ona Tulafono Faatonutonu; ma

(d) O le vaa ma lona faagaoioiga e pei ona fuafuaina ua atoatoa le tausisia o so o se isi lava mataupu po o tuutuuga e faapea e ono mafai ona faatonuina.

(7) So o se suiga o le tagata e ona le vaa po o ni faaopoopoga po o fesuiaiga, so o se vaa faamauina i lalo o lenei fuaiupu e tatau ona logoina e ala i se tusi i le Faatonu Sili e le tagata fou ua umia le vaa po o Le e ona le vaa po o le a lava le tulaga e ono i ai, i totonu o le 30 aso o le suiga o Le e ona le vaa po o faaopoopoga po o fesuiaiga ma e mafai e le Faatonu Sili ona toe aveese le tusi faamaonia o le faamauina pe a fai o ia faaopoopoga po o fesuiaiga ua avea ma auala ua le mafai ai e le vaa ona tausisia so o se manaoga ua faatulagaina i totonu o le faafuaiupu (6).

(8) I so o se taualumaga faa-Faamasinoga ua aumaia i lalo o lenei Tulafono, o le faauluina o se vaa i totonu o le tusi resitala o vaa fagota i totonu o le atunuu, ua tausisia e le Faatonu Sili i lalo o lenei fuaiupu e tatau ona avea ma molimau aloaia e pei ona tuuina atu muamua e Le e ona le vaa fagota.”

(2) O le Tulafono autu ua teuteuina i le faaofiina i ai i totonu le fuaiupu 5A e faapea:

“5A. Laiseneina o Vaa Fagota Faapisinisi i totonu o le Atunuu-(1) O vaa fagota uma i totonu o le atunuu e faapea e valu mita le umi po o le sili atu ma o lo o auai i gaoioiga tau faiga-faiva faapisinisi po o faamoemoe e auai i gaoioiga tau faiga-faiva e tatau ona manaomia le laiseneina e tusa ai ma aiaiga o lenei Tulafono.

Ae vagana ai e faapea o lenei manaoga e le tatau ona faaaogaina i so o se vaa fagota ua faaaogaina faapitoa mo taaloga tau faiga-faiva, faafiafiaga, aga faapasitaimi po o faiga-faiva mo tausiga o le soifua i aso uma.

(2) O se talosaga mo se laisene o se vaa fagota i totonu o le atunuu e tatau ona faia i le pepa faatonuina i le Faatonu Sili ma e tatau ona tuuina mai faatasi ma le totogifuapauina e pei ona faatonuina.

(3) E mafai e le Minisita ona tuuina atu se laisene i so o se vaa fagota i totonu o le atunuu mo ia tuutuuga ma i luga o ia aiaiga e avea ai o ni tulaga faamalosi faatasi ai ma se faiga faavae ua faamaonia e le Kapeneta mai lea taimi i lea taimi.

Ae vagana ai e faapea e leai se laisene e mafai ona tuuina atu i se vaa fagota e faapea e le o faamaonia i lalo o le fuaiupu 5.

(4) E tatau ona avea ma tuutuuga o laisene uma ua tuuina atu i lalo o lenei fuaiupu e faapea ia le itiiti ifo ma le 80% o le auvaa o se vaa fagota e tatau o ni tagatanuu o Samoa peitai e leai se mea e tatau ona puipua ai le Minisita mai le manaomia, i so o se taimi, e faapea o le pasene o tagatanuu i se auvaa o se vaa o le a sili atu nai lo le 80%.

(5) O se talosaga mo se laisene o se vaa fagota i totonu o le atunuu e ono mafai ona le taliaina i luga o mafuaaga e faapea -

- (a) E faapea e i ai se mafuaaga ua talitonu le Minisita e faapea o Le o lo o talosaga o le a le mafai ona tausisia tuutuuga o le laisene;

- (b) A fai i le tulaga o se fale ia e le i faaaogaina muamua e faapea ua talitonu le Minisita e le talafeagai mo le faafoeina tatau o ni fale ia i le tuuina atu i ai o se laisene e faaaoga ai lena fale ia;
 - (c) E faapea o le vaa fagota e tusa ai ma le talosaga ua faia ua le tausisia manaoga tau le saogalemu i lalo o le Tulafono o Vaa 1998 ma ona Tulafono Faatonutonu, po o e le i mauaina e ia se tusi faamaonia tau le saogalemu ua tuuina atu e tusa ai ma lena Tulafono po o ia Tulafono Faatonutonu;
 - (d) So o se isi lava mafuaaga e ono mafai ona faamaoti mai i totonu o lena Tulafono po o ua faatonuina.
- (6) A fai o se vaa fagota ua faaaogaina e solia ai lena fuaiupu po o so o se tuutuuga o se laisene faaaogaina, o Le e ona le vaa, aliivaa ma le tagata o lo o totogifuapauina le vaa, o i latou uma ia taitasi ua faia se solitulafono ma e tatau ona noatia i se moliaga ua faamaonia faale-tulafono i se faasalaga e le sili atu na i lo le 250 vaega o faasalaga po o le nofosala i le falepuipui mo se vaitaimi e tasi le tausaga, po o i ia faasalaga uma e lua.”

4. Laiseneina o Vaa Fagota mai Fafu – O le Tulafono autu ua teuteuina e faapea -

- (a) I le soloia o le fuaiupu 8 ma suia ai e faapea:

“8. Laisene mo faiga-faiva a atunuu mai fafo-(1) I le noatia ma le fai fuafua i le faafuiauupu (2), e leai se vaa fagota mai atunuu i fafo e tatau ona ofi mai po o o le a faaaogaina mo faiga-faiva po o nisi gaoioiga tali tutusa i totonu o ogasami fagotaina e aunoa –

- (a) Ma se faamoemoega aloaia i lalo o tulafono faava-o-malo; po o
- (b) Se laisene aloaia mo se vaa fagota mai atunuu i fafo ua tuuina atu i lalo o lena fuaiupu; po o
- (c) Se laisene aloaia mo se vaa fagota mai atunuu i fafo ua tuuina atu i lalo o se feagaiga ma nisi malo e sili atu i lo le toalua po o ni faatulagaga e tusa ai

ma ona aiaiga po o se maliega ua ofi atu i ai i lalo o le fuaiupu 6.

(2) Faafuaiupu (1) e le tatau ona faaaogaina i so o se vaa fagota mai atunuu i fafo ua faaaogaina faapitoa mo suesuega faasaaienisi tau le gataifale ma ua i ai le faatagaga i lalo o le fuaiupu 10.

(3) O se talosaga mo se laisene o se vaa fagota mai atunuu i fafo e tatau ona faia, i totonu o le pepa faatonuina, i le Minisita po o, i le tulaga o feagaiga ma isi malo e sili atu nai lo le toalua po o faatulagaga, o sea talosaga e ono mafai ona faataunuuina e le Minisita.

(4) I le noatia ma le fai fuafua i le fuaiupu (1)(c), e mafai e le Minisita e tusa ai ma se maliega ma se isi atunuu po o se fuafuaga, ona tuuina atu se laisene i se vaa fagota mai atunuu i fafo e tusa ai i so o se vaa fagota mai fafo e faataga ai lena vaa ina ia faaaoga i totonu o ni vaega o ogasami tau faiga-faiva mo le fagotaina po o ni gaoioiga faasino i ai e pei ona o le a faamaotiina i totonu o le laisene.

(5) A fai o se vaa mai fafo ua faaaogaina e solia ai le faafuaiupu (1) o le aliivaa, o Le e ona le vaa ma le tagata o lo o togotifuaupauina le vaa ua faia se solitulafono ma e tatau i ai latou uma taitoatasi ona noatia i se moliaga ua faamaonia faaletulafono i se faasalaga e le sili atu i le 1,000 vaega o faasalaga po o le nofosala i le falepuipui mo se vaitaimi e le sili atu i le lua tausaga, po o i ia faasalaga uma e lua.

(6) E leai se laisene e tatau ona tuuina atu i so o se vaa fagota mai fafo seia vagana -

- (a) O lo o i ai se maliega o lo o faamamaluina o lo o aveva ai Samoa o se tasi o ona sui, e tusa ai ma le fuaiupu 6;
- (b) O le vaa e tusa ai ma le talosaga ua faia o lo o lelei atoatoa lona tulaga i le Tusi Resitala Faaitulagi;
- (c) O le vaa e tusa ai ma le talosaga ua faia o lo o i ai i luga meafaigaluega talafeagai (e aofia ai se Masini Faailo Otometi Tau Fesootaiga) ina ia usitaia ai faiga e Faatonutonu ai Vaa o lo o faafaigaluegaina e le Sooupu o Atunuu tau

Faiga-Faiva ma e pei ona faatonuina e le Tulafono Faatonutonu i lalo o lenei Tulafono; ma

- (d) Ua faamalieina le Minisita e faapea o Le ua talosaga ua tuuina mai ni vaegatupe ua lava ma nisi lava mea e ono faamau ai ni aitalafu mo le faafetaiaia o noatiaga uma i lalo o lenei Tulafono.

(7) O le a avea ma tuutuuga o laisene uma taitasi ua tuuina atu i lalo o lenei fuaiupu e faapea o faamatalaga aupito sao e tatau ona tuuina atu i le Faatonu Sili i se faiga ia le itiiti ifo i le tai lua vaiaso, fuainumera faamaumauina o ia ua faatulaueleeleina, ma e mafai e le Faatonu Sili mai lea taimi i lea taimi ona fuafua le pepa o le a faaaogaina, auiliiliga o fuainumera faamaumauina manaomia ina ia tuuina atu ma taimi uma e tuuina mai ai ia lipoti.

(8) E leai se vaa fagota mai fafo e tatau ona auai i so o se faiga-faiva po o ni gaoioiga tali tutusa i totonu o ogasami fagotaina i le taimi e faamuta ai le laisene o se vaa fagota mai fafo seia vagana ua toe tuuina atu i ai se isi laisene e tusa ai ma aiaiga o lenei Tulafono.

(9) A fai o se vaa fagota mai fafo ua faaaogaina e solia ai le faafuiau (7), o le aliivaa, o Le e ona le vaa, ma le tagata o lo o totofiguapauina le vaa, ua faia taitasi e i latou se solitulafono ma o le a noatia i luga o se moliaga ua faamaonia faale-tulafono i se faasalaga e le sili atu i le 500 vaega o faasalaga.”

- (b) I le faaofiina i totonu le fuaiupu 8A e faapea:

“8A. Laisene mo vaa fagota mai fafo o lo o faamautu i totonu o le atunuu-(1) E leai se vaa fagota mai fafo o lo o faamautu i totonu o le atunuu e tatau ona faaaogaina mo faiga-faiva po o gaoioiga tali tutusa i totonu o ogasami fagotaina e aunoa ma se laisene aloaia e tuuina atu e le Minisita faasino i lea vaa fagota.

(2) O manaoga mo le tuuina atu o se laisene i se vaa fagota mai fafo i le fuaiupu 8 o lenei Tulafono e tatau ona faaoga faatasi ma suiga talafeagai i laisene mo vaa fagota mai fafo o lo o faamautu i totonu o le atunuu.

(3) O se talosaga mo se laisene mo vaa fagota mai fafo o lo o faamautu i totonu o le atunuu e tatau ona faia i totonu o le pepa faatonuina agai i le Minisita.

(4) O se talosaga mo se laisene o se vaa fagota mai fafo o lo o faamautu i totonu o le atunuu e ono mafai ona teena i luga o so o se mafuaaga ua faamaoti mai i totonu o lenei Tulafono po o e faapea o lo o faatonuina.

(5) E tatau i le Minisita ona faapipiina ia tuutuuga ma aiaiga i laisene o vaa fagota mai fafo o lo o faamautu i totonu o le atunuu e pei ona mafai ona faatonuina, ma e mafai ona faapipiina i ai ni tuutuuga ma aiaiga faaopoopo e pei ona ua ia manatu ua talafeagai ai ma ogatasi ma so o se faiga faavae ua faamaonia e le Kapeneta mai lea taimi i lea taimi.

(6) O le a avea ma aiaiga o laisene taitasi uma ua tuuina atu i lalo o lenei fuaiupu e faapea o faamatalaga sao e ao ina tuuina atu i le Faatonu Sili e le itiiti mai i se faiga e tai lua vaiaso, o faamaumauga o fuainumera o ia faatulaueleeleina a le vaa ma e mafai e le Faatonu Sili mai lea taimi i lea taimi ona fuafuaina le pepa e ao ona faaogaina, o le auiliiliga o fuainumera faamaumuina e manaomia e tuuina atu ma taimi faifaipea e tuuina mai ai ia lipoti.

(7) A fai o se vaa fagota mai fafo o lo o faamautu i totonu o le atunuu ua faaogaina e solia ai le faafuaiupu (1), po o so o se aiaiga o laisene o faiga-faiva, o le aliivaa, o Le umia ma le tagata e totogifuapauina se vaa ua taitoatasi ma faia se solitulafono, ma o le a tatau ona noatia taitoatasi i se faasalaga e le sili atu i le 500 vaega tau faasalaga po o i le nofosala i le falepuipui mo se vaitaimi e le sili atu i le lima tausaga po o i ia faasalaga uma e lua.”

5. Tofiaina o sooupu – O le Tulafono autu ua teuteuina i le faaofiina i ai o le fuaiupu 9A e faapea:

“9A. Tofiaina o sooupu-(1) E tatau i le tagata e umia le vaa, tagata e totogifuapauina se vaa po o le aliivaa o se vaa fagota mai fafo ona tofia se tagata e avea o se sooupu o ia lea e tatau ona avea ma se tagata, e le mai se faalapotopotoga, o ia lea–

(i) e nofo i totonu o Samoa;

(ii) e i ai le pule e talia ai ma tali atu i tualumaga ma fesootaiga aloaia po o faasilasilaga i lalo o lenei Tulafono;

e avea ai ma sui o le tagata e umia le vaa, tagata e totogifuapauina le vaa po o le aliivaa o le vaa o lo o aafia.

(2) A o lumanai ai le faia o se tusi talosaga mo se laisene o se vaa fagota mai fafo, e tatau i le tagata e umia, tagata e totogifuapauina le vaa po o le aliivaa o se vaa fagota mai fafo ona logoina vave le Minisita i le tofiaina o se tagata e avea ma a latou sooupu.

(3) E tatau i le sooupu ona faaalua i le tagata e umia le vaa, tagata e totogifuapauina le vaa po o le aliivaa o se vaa fagota mai fafo so o se fesootaiga aloaia po o se faasilasilaga e pei ona o le a tuuina mai pe manaomia i lalo o lenei Tulafono.

(4) O le le usitaia e le sooupu e logoina le tagata e umia le vaa, tagata e totogifuapauina le vaa po o le aliivaa o se vaa fagota mai fafo o so o se fesootaiga aloaia po o se faasilasilaga e pei ona manaomia i lalo o lenei Tulafono e le tatau ona faasaoloto mai ai le tagata e umia, le tagata e totogifuapauina le vaa po o se aliivaa o se vaa fagota mai fafo mai le solia o so o se aiaiga o lenei Tulafono.

(5) A fai o se vaa fagota mai fafo ua tuuina i ai se laisene aloaia i lalo o se Feagaiga ua ulufale atu i ai, e tatau i le sooupu ona faamautinoa e faapea o aiaiga o le laisene e aofia ai aiaiga o so o se tulafono tau faiga-faiva o lo o faaaogaina po o tulafono faatonutonu a Samoa, ua malamalama i ai le tagata e umia le vaa, le tagata e totogifuapauina le vaa, le aliivaa ma le auvaa o le vaa o lo o aafia.

(6) O le tagata e ona le vaa, le tagata e totogifuapauina le vaa, aliivaa ma le auvaa o se vaa fagota mai fafo o lo o i ai se laisene aloaia mo faiga-faiva e le tatau ona faasaolotoina mai i le solia o so o se aiaiga o lenei Tulafono po o tulafono faatonutonu, po o le solia o so o se tuutuuga o se laisene o faiga-faiva i luga o se mafuaaga o lo latou le malamalama i le usitaia po o le le lava o se malamalamaaga i so o se tuutuuga o le laisene, po o i aiaiga o so o se tulafono tau faiga-faiva o lo o faaaogaina e Samoa.

(7) E tatau i le sooupu ona mautinoa e faapea o vaa fagota taitasi uma mai fafo o lo o avea ai o ia ma sooupu, ona tauaveina faiga-faiva uma i totonu o ogasami fagotaina ua i ai se laisene aloaia.

(8) A fai o se vaa fagota mai fafo o lo o faaauau pea ona fagota i totonu o ogasami fagotaina ina ua maea ona faaleaogaina lona laisene po o ua taofia mo se vaitaimi le tumau i lalo o le fuaiupu 12, po o ina ua tuanai le taimi e faamuta ai le aoga o le laisene, o le sooupu, le tagata e ona le vaa, le aliivaa, le tagata e totogifuapauina le vaa ua faia se solitulafono ma e tatau ona noatia i luga o se moliaga ua faamaonia faale-tulafono i se faasalaga e le sili atu i le 500 vaega o faasalaga po o le nofosala i le falepuipui mo se vaitaimi e le sili atu i le lima tausaga, po o i ia faasalaga uma e lua.

(9) O aiaiga o lenei fuaiupu e tatau ona faaaoga faatasi ma suiga talafeagai i vaa fagota mai fafo o lo o faamautu i totonu o le atunuu.”

6. Isi Laisene ma Faatagaga - O le Tulafono autu ua teuteuina i le faaofiina i ai o fuaiupu 10A, 10B, 10C ma le 10D e faapea:

“10A. Gaoioiga mo le faaolaivai-(1) E leai se tagata e faatuina pe faagaoioia so o se pisinisi po o se gaoioiga faataitai e aofia ai le faaolaivai e aunoa ma le faatagaga tusitusia a le Faatonu Sili.

(2) E mafai e le Faatonu Sili ona faamaoti mai so o se aiaiga faasino i le faatuina po o le faagaoioia o le faaolaivai, e aofia ai aiaiga po o manaoga faasino i le -

- (a) Nofoga o lo o faagaoioia ai le faaolaivai;
- (b) O ia po o meaola e olaivai o le a faatoaina po o e le faatoaina;
- (c) O le fausia o nofoaga faaolaivai ma le faagaoioiga o ia nofoaga;
- (d) O le puipuia o le salalau o faamai pepesi o ia;
- (e) O le asiasia o nofoaga tau faaolaivai;
- (f) O le tuuina atu o fuainumera faamaumuina, faamatalaga faasaienisi ma faapisinisi; ma

(g) Le faasaoina, pulea ma le gafataulimaina o le aoga o le siosiomaga faaolaivai.

(3) So o se tagata e solia aiaiga o le faafuaiupu (1) ua faia se solitulafono ma e tatau ona noatia i luga o se moliaga ua faamaonia faale-tulafono i se faasalaga e le sili atu i le 20 vaega tau faasalaga.

10B. Auina atu i fafo ma le faaulufaleina mai o ia-(1) E mafai e le Minisita, i luga o le fautuaga a le Faatonu Sili ma e tusa ai ma leni fuaiupu, ona faatonuina vasega o ia po o oloa tau ia e le tatau ona auina atu i fafo mai Samoa.

(2) E mafai e le Minisita ona faaeeina atu ni aiaiga faasino i le auina atu i fafo o ia po o oloa tau ia, ma tuutuuga e ono faasino i -

- (a) Ituaiga o meaola po o ituaiga o ia po o oloa tau ia o lo o manaomia le faamaoniga mai le Faatonu Sili a o le i auina atu i fafo;
- (b) Le tulaga aupito i sili ona manaomia ma le aofaiga tele o ia po o oloa tau ia e mafai ona auina atu i fafo;
- (c) Le lapoa o se ia e auina atu i fafo;
- (d) Le asiasia o ia po o oloa tau ia ua faamoemoe e auina atu i fafo, pe i luma mai, po o a o faagasolo, pe ina ua maea ona tuupusaina;
- (e) Meafaigaluega e aofia ai meafaigaluega e fua ai, e tatau ona faaaogaina; ma
- (f) Tulaga mama e tatau ona vaavaaia.

(3) E mafai e le Minisita ona faia aiaiga mo le tuuina atu o tusi faamaonia faatatau i le tausisia o tuutuuga ma aiaiga o lo o pulea ai le auina atu i fafo o ia.

(4) E mafai e le Minisita ona tuuina atu e ala i se tusi i le Faatonu Sili so o se pule po o ana pule uma e faaee atu ai tuutuuga faasino i le auina atu i fafo o ia po o oloa tau ia.

(5) E leai se tagata e tatau ona faaulufale mai pe auina atu i fafo po o le taumafai e faaulufale mai pe auina atu i fafo, so o se ia ola mai Samoa e aunoa ma se faatagaga tusitusia mai le Minisita.

(6) O tagata taitoatasi uma o i latou ia ua solia lenei fuaiupu ua faia se solitulafono ma o le a noatia i luga o se moliaga ua faamaonia faale-tulafono i se faasalaga e le sili atu i le 50 vaega tau faasalaga.

10C. Fale gaosi ia-(1) E mafai e le Minisita ona tuuina atu i so o se tagata se laisene, i luga o ni aiaiga e faapea e le tatau ona aafia ai le siosiomaga e faagaoioia ai se fale ia i luga o le tologiina o se totogifuapauina e pei ona o le a mafai ona faatonuina mai lea taimi i lea taimi.

(2) So o se tagata ua faagaoioia po o ua faatagaina e faagaoioia so o se fale ia, vagana ai ua faia i lalo o se laisene ua tuuina atu i lalo o lenei fuaiupu ma e tusa ai ma aiaiga o lena laisene, ua faia se solitulafono ma o le a noatia i luga o se moliaga ua faamaonia faale-tulafono i se faasalaga e le sili atu i le 50 vaega o faasalaga.

(3) I lenei fuaiupu “o le fale gaosi ia” o lona uiga o so o se eleele, fale po o isi nofoaga i luga po o o lo o tuuapa ai, faamago, faamama ai totoga, faamasima, faaaisa, faamalulu, faamalo po o isi faiga e ese mai ai mo le faatauina atu i totonu po o fafo atu o Samoa.

10D. Faatagaga mo le toe utaina i isi vaa-(1) O vaa fagota taitasi uma mai fafo (e aofia ai vaa fagota mai fafo o lo o faamautu i totonu o le atunuu) ua laisene e fagota i totonu o ogasami fagotaina o Samoa e tatau ona faatoa toe utaina i luga o isi vaa ia ua i ai le faatagaga a le Faatonu Sili.

(2) E mafai e le Faatonu Sili ona tuuina atu le faatagaga mo so o se toe utaina i luga o isi vaa mai so o se vaa fagota mai fafo e tusa ai ma so o se tuutuuga e ono mafai ona faatonuina po o o lo o i ai i totonu o tuutuuga ma aiaiga o le laisene mo faiga-faiva.

(3) O tagata taitasi uma ua faatagaina e tusa ai ma lenei fuaiupu e tatau ona tausisia tulafono uma o faiga-faiva o lo o faaaogaina e Samoa ma so o se aiaiga o le faatagaga ua tuuina atu.

(4) E mafai e le Faatonu Sili ona taofia mo se taimi le tumau le faatagaga pe a fai ua le usitaia le tausisia o aiaiga o le faatagaga po o aiaiga o lenei Tulafono.

(5) E mafai e le Faatonu Sili ona faapipiina i ai so o se aiaiga faaopoopo e pei ona manatu o ia ua talafeagai ai, ma o lo o ogatasi ma so o se aiaiga o lea faatagaga po o aiaiga o lenei Tulafono.

(6) So o se faatagaga ua tuuina atu e tusa ai ma lenei fuaiupu e tataua ona faia i luga o se tusitusiga.

(7) O le toe utaina i luga o isi vaa e mafai ona tauaveina i totonu o na o taulaga faatulagaina.

(8) So o se tagata ua faatinoina ni gaoioiga mo le toe utaina o ia i luga o isi vaa e aunoa ma se faatagaga ua tuuina atu e le Faatonu Sili i lalo o lenei fuaiupu, po o le faatinoina o le toe utaina o ia i luga o isi vaa ua solia ai so o se aiaiga o le faatagaga po o tuutuuga e ono mafai ona faatonuina po o o lo o i totonu o le laisene mo faiga-faiva po o i se nofoaga e ese mai ai na i lo le taulaga faatulagaina ua faia se solitulafono ma o le a noatia i luga o se moliaga ua faamaonia faale-tulafono i se faasalaga e le sili atu i le 1,000 vaega o faasalaga.”

7. Tagata Vaavaai - Fuaiupu 11(1) o le Tulafono autu ua teuteuina i le faaofiina i ai o le parakalafa (aa) e faapea -

“(aa) O le aia a se tagata vaavaai e ulufale atu ai i totonu o so o se vaa ma malaga faatasi atu ai i so o se vaa a o faagasolo gaoioiga tau faiga-faiva.”